

童山詩集

童山詩集卷十八

綿州李調元雨村

丙申

乾隆四十一年二月初九日扈隨 聖駕東巡出

都展謁 東陵恭紀

二月東巡狩 鑒輿此日行 祝從登岳舉禮待謁

陵成 鳳闕雲猶近 龍旗雨乍晴 微臣慙列宿 曉發

尚星明

自潞河至白河作

扈蹕今茲始 郵籤報雨河 沙平春水濶 海近夜帆多 馬

色團雲錦人聲雜玉珂幾時冰始泮已覺曉風和

宿龍福寺

浮雲猶在嶺落日已斜坡野宿正風大山深樹葉多不
眠時有夢無韻自成哦夜半鐘聲動茫茫客感何

聖駕駐蹕桃花寺聞金川紅旗捷報恭紀四首

鑾輿初自謁陵回快聽天西捷報來一騎如飛驚夜
電萬人懽拜擁春雷雲排閭闔天顏喜星落機槍曉
色開欲慰慈闈先遣奏還宮知獻萬年杯

神威殲醜本宸衷將帥恩兼投鉞隆是日雪山馳檄

定當年劒閣勒銘同街中舊已臬元濟

僧格桑父子棧
先已業書

外新傳縛李雄從此 帝憂釋西顧別書不到建章宮
桃花寺裡駐 行旌更聽桃關奏凱聲 困獸負隅終就
死遊魚在釜豈逃生風清玉壘春銷甲 雨過金川夜洗
兵省却軍供民力緩扶藜父老願昇平
久知宵旰 聖躬勤誰草相如論蜀文 忽報昆崙二鼓
奪遙知霹靂百蠻聞 鳳綸傍日頒 恩詔虎將凌烟
策上勲珥筆聊當鐃吹曲呼嵩齊祝 聖明君

過盧溝橋一首

征車如水轡如絲曙到盧溝尚未遲細數十迴經此路
最榮今日扈 鑾時

晨光初動 禁城開路柳爭春綠意回 五色祥雲籠兩
岸遙瞻 黃繖日邊來

聖駕幸南海子大獵恭紀

一聲警蹕露臺高萬馬來圍靜不驚猿臂健兒腰紫電
龍鞍 天子佩烏號趁來月兔鷹初放追去犀狼犬競
嗥最是 小片慙獻賦長楊不敢筆輕操

射虎行

春草叢茸漸陰縣 玉輿初駐南海甸爭傳 天子射
虎來繞塢肩撓萬人看虎圈放虎將出圍四圍甲士如
組練手中丈八勃盧矛各各排列如欲戰人妨虎亦虎

欲出曉曉先顧盼摘繚旅葵環相噬羽林飛矢如
忽聞一聲吼山裂奔出六軍皆色變是時吾皇
馭鑣千騎如雲下行殿一箭橫穿洞肺腑長殺如
麻槩交攬須臾先後斃三虎血濺平郊互噴噴天爲不
風地爲肅萬衆無聲手猶顫如茲惡類盡剪除君王神
武真希見爲語吾皇非好娛除暴安良去民患卽看
烏園亦負嵎掃平不讓天山箭冉驍雜種俱蕩夷巨魁
就縛無一竄何況區區傳翼徒何不彼美乃此美

直沽二首

通漕

上聲

來諸舶帆檣聚一沱沙邊河蚌出潮過海魚多

重刊詩集卷十八
兵戍柳爲堡人家葦織蓑夜來明月上處處有笙歌
不爲風餐苦偏因露宿娛蜀魚思丙穴吳米足丁沽海
日明常早江烟澹欲無津門來咫尺好覓酒家胡

天津府

綠柳長橋跨彩虹樓臺金碧畫圖中樹蒸海氣三春雨
岸拍河聲一夜風番舶帆來雲欲黑鑾輿駐處山偏
紅津門故是繁華地此日來遊更不同

楊柳青

管絃隨畫舫曲折逐郵亭天雨蔚藍碧人烟楊柳青煙
深村不辨雨過市微腥此地魚蝦賤誰爲倒醅醢

登滄洲朗吟樓

先君曾牧此州

麻姑城上朗吟樓鎖斷風烟數百秋
乘鶴仙人今去遠騎鯨客子昔來遊
滄洲未解三生恨滄酒難消萬斛愁
長嘯一聲自歸去白雲終古兩悠悠

曉過東光縣

我過棘津道熹微天未明麥田春雨潤柳岸曉風清
馬老自知路人忙不計程何爲春塞雁日夜事長征

德州謁董子祠

下帷人已去留得讀書堂繁露一爲展流風千載香
江都聞事業德郡見蒸嘗我笑平津老膠西欲中傷

晏子祠

齊相遺祠在流連想故踪如何越石薦獨沮仲尼封像
是朝冠濯門非近市衝夕陽春社鼓祭賽祇田農

和儀部陳介溪

其說

靈巖寺韻

凌霄萬嶂擁青鬟百折丹梯近可攀佛塔高於飛鳥上
流泉低出古松間頂摩樹在僧何在面壁苔斑像復斑
一事輸君君應笑碧雲深處我先還

贈衛訥齋卽用其韻

十年睽面會無期乍見鬚眉欲認遲梁孝園中魯舊識
靈巖塔下似新知未除家氣猶爭坐尚有閒情愛着棋

多謝泰山賢太守送來魯酒恰盈卮

登泰山二首

嶽長東皇勢鬱蟠崔巍上逼九霄寒天開翠黛三千里
地聳青螺十八盤遠接黃河環似帶近探白日小如丸
平生登覽寰區遍始覺今朝眼界寬

果是陰晴各異形芙蓉朵朵變青冥鷄鳴海日三更赤
鳥入齊烟九點青地府黃昏飛夜雨天門白晝走風霆
昨宵偶到層巔宿親見靈輶信有靈

御製行宮泉林八景恭和

近聖居

近聖人之居言出子輿氏乃所願則學今聖復如是
遙知玉輦留亟稱水哉水

在川處

至誠本悠遠如川流不息尼山偶與會豈必泗水側所
以吾與點率爾未能識

鏡瀾榭

一人俯清流萬象本俱屏况復見菱花細寫藻荇出月
到潭心時心與月俱靜

橫雲館

陪尾本不高築館臨清沚玉乳何洞漩嗽芳清北美便

從水邊坐坐見暮雲起

九曲釣

名泉號珍珠佳名標九曲臨流奉
宸遊幽趣實遠俗
清水何鱗鱗時有鷺拳足

柳烟波

春姿何纏綿垂柳眉行殿彷彿
御溝流陰陰奉清宴
不復知烟深流鶯時一轉

古蔭堂

修廊在深處窈窕隨清樾掃地坐
焚香夜來更幽絕杞
樹動微風竹梢見明月

紅雨亭

暮春百花殘，緋枝包未吐。似知翠輦來，獨留香在樹。
曉來一雨過，霏霏紅滿塢。

懷朱子頴

吾友子頴子，氣可一世蓋。詩思李白豪，酒量劉伶大。今
年舜東巡，正值君報最。姓名達主知，詩畫面奏對。賤
子忝扈從，聞之喜不寐。豈意別匆匆，人叢失交臂。此行
快事雙見君，復見岱回首。萬仞高人岱，兩不存。

題桂山扁舟出峽圖

巫山若畫屏，十二晚峰青。一夜辭巴峽，明舫入洞庭。崖

高藏魍魎難亞走雷霆之子胡爲者長歌出杳冥
好是東山侶生憎南浦波送君千里去奈此萬愁何白
帝斜陽外黃牛暮雨多不堪圖畫裏重憶下渝歌

和張雲谷中秋留別元韻

昔年曾記泛滄洲楓葉蘆花寫客愁作吏羨君鳬作履
爲郎愧我雪盈頭虛名每代將及卜過變多因借箸籌
此夜鄉思還倍切淡烟喬木憶綿州

桂山和雲谷中秋詩有堪笑雨村老居士燭花剪
盡尚勾留之句再和答之

底事狂吟未肯休今宵要補昨宵遊清談人至能驚座

讀畫詩成勝倚樓

桂山有畫樓中開讀書句

共喜主人懷是月若

無佳客室如秋桂山老去顏唐甚欲作平原十日留

題家桂山秋江載書圖

余本今之詩狂者非李太白不取也桂山獨欲掣鯨魚
倒捲黃河九天瀉天有古月青銅磨地有五岳森嵯峨
盡入先生錦繡口噴作雲霞供嘯哦前年作吏黔江涘
入當詩人不當吏飄然五柳歸去來侯門一笑羞投刺
白鹽赤甲思故鄉巫山欲問楚襄王自言世無識我矣
兩岸啼猿知我腸朝來示僕秋江軸翠栢丹楓聲肅肅
醉中一覽爲騷然書豈在船在君腹桂山桂山今其行

鼓懼恐觸蛟龍驚洞庭木落倘再過慎勿投詩用屈平

借雲谷桂山食螺分韻得乞字

明月上東墻高齋客去訖主人獨留兒珍錯羅海物腥
風滿座來尖團出強偏洗盞更咀嚼怪用聲彷彿有腸
納無腸甲兵胸鬱崛氣味和椒橙爛醉衣袖拂持螯兼
有酒何必向鄰乞平生稻梁謀殊愧榮華敝及茲更凜
然保身叅密勿君肯留承明相招樂豈不

八月中秋同人譙集雲谷借樹軒分韻得和字

今夕置酒樂未央自有此月無此光對月當歌歌慨慷
滿堂聽我聲洋洋我歌乃在岷山之麓廣漢之陽沱江

東下千里百里欲入海至此迴瀾有似隔崖勒任奔馬
韁沉犀滲漉毓清氣豐城劍冲牛斗旁天遣下視何吉
祥中有一人其姓張手織雲錦分天章鼓棹剗剗皆鸞
鳳二十八宿驚避藏不敢報天聽其狂遂使縱橫詞墨
場邇來便覺鋒增鋒雲霞五色金玉相當其冥心造化
忙下筆直倒二峽江翻精攪浪不肯住竟欲手摘龍耳
剗鰲腹拔鯨尾以與光燄萬丈之李杜爭豪強海驪不
復抱珠睡老蚌含胎空喻張故令今夜月倍皎恐君與
月爭寒芒斗轉河漢雲茫茫君當膏車歸大梁明年此
月知何常青天雁字遙相望對月當歌歌慨慷

桂山自黔學孫補山幕來京將由廬州回蜀二首

門如羅雀未嘗開有客長歌歸去來自說不搖求食尾
誰憐長暴報恩腮一生知己韋臯幕四海傳君宋玉才
放爾江湖且疎散人間恐有復燃灰

颯然鼓櫓入夔關千載高風未許攀名紙毛生難久住
怒飛翼短不如還諱窮誰識心偏苦

君有境到傷心
轉諱窮之句

老渾亡鬢已斑倘過巢湖思景畧爲余憑弔八公山

八月朔日奉題少宰德定園座師樂賢堂圖卽用
司空董蔗林詩同年韻

癸未夏之交初御龍門轡玉筍參杏園惟聽探花使鐵

網誰搜羅羣珍率麋至堂堂我夫子掄材百物備閒來
開東閣宮牆見深邃是時炎雲蒸槐陰滴清翠文譙擁
臯比脫畧無拘累坐來絳紗中如草含薰氣夾帶接風
流鑒坡傳韻事一自撫海南目斷文身地調也得追隨
甲午秋月季宦途重文衡培植尤加意今年領天曹榜
櫟仍不棄只可談風月徐勉有同契愛才饑渴心何曾
立厓異藥籠平生忝窮單尚葛屨以此期報德年來未
嘗醉相如賦子虛班固作賓戲披圖一無能聊抒心所
寄

同藝圃給諫鷺州侍御法源寺看菊是日送桂山

歸蜀

拋却眉間萬斛愁今年又作法源遊一齋飽飯日方午
萬菊爭開天正秋雨霽鐘聲殷佛殿夕陽樹影挂僧樓
無情最是南歸客行李河橋欲上舟

送華陽明府蔣峙南北奎卓觀記名回任

蓬然便別意何甘廿載情懷只立談名在御屏天

子識澤多鄉梓故人誼一樽未得同燕市隻騎猶思訪

渭南倘過吾家綿水畔煩君垂問暫停驂兩手與君俱
白頭同籍鄉

試魯至渭
南相訪

童山詩集卷十九

綿州李調元雨村

丁酉

幾何主人歌

幾何主人身姓柳自言樂浪少知友
謁來隨便到中華獨與余逢開笑口
以指畫地琉璃東衣冠雖異文字同
試酌新年椒柏酒頗覺唾咳生清風
胸蟠萬卷羅星宿落筆霏霏如屑玉
可憐握手意無窮落日催過西山角
二月春城花亂飛天津冰泮黃華肥
如此風光欲歸去薊門柳色空依依
幾何子歸何速人生最苦天一方那

言集卷一
堪見面情初熟幾何子歸何遲家有小阮正相憶唱和
還應勝此時

漫言

漫言皮裏有陽秋時抱虞卿著述愁誰把詩名傳海外
看雲樓集客來求

題給諫家藝圃
漫芳小照四幅

昔君居考功丰裁甚英偉每於事失平堅不署紙尾時
余值銓鏡無蹊竊自比骭髀在人羣共稱蜀二李當時
頗意氣碌碌無餘子豈知不數年蹭蹬俱可鄙禮秩雖
問曹瑞錦策亦美名者造物忌挫折或其理相期報國

恩努力自茲始

蘭省晚歸

求忠必孝門古人言必中所以晉王褒蓼莪廢不誦讀
若斷雁圖淚滴臯魚痛竿獨亦哀哉墳塋少伯仲不如
百足蟲尚有扶者衆以此矢樹立豈曰非時棟善感本
家風一振朝陽鳳至今天下士直聲無與其下以慰先
人林下可含弄

白雲斷雁

瞿塘天下險洪濤高百丈我曾兩過之幸免魚腹葬君
胡歸去來巨纜牽舟上借問中何有萬卷書盈舫永和
擁百城此意聊相抗絳帳或可融天祿何必向祇以教
子孫不在取卿相猿聲三峽月歷盡幾千嶂崎嶇一夢

回誠問書無恙

藏書遺缺

君恩尚未報臣心敢言歸得毋學張翰秋風思鱸膾與
君生連理相交心不違仕宦二十載苦憶山中扉茅簷
在何許高高浮翠微雲自出無心鳥亦時倦飛因君感
鄉思欲去還念非豈不懷高尚如此主恩希大易有
至言所貴神乎幾茅簷望闕

題趙象九

廷鼎

同年夢遊海山圖

何人夜呼祁孔賓開門瀕洞渺無垠蓬萊弱水三萬里
去來只駕垂天雲我本峨嵋一老禿不願求仙不願佛
看我他年五嶽回問君黃梁熟未熟

和鐵冶亭保聽程魚門晉芳說鬼元韻

李子龕豪膽無比一生畏人不畏鬼髯翁偏以鬼駭人
千萬魑魅出神史言雖鑿鑿事不經月黑夜靜風初停
猙獰髣髴燈下見紙窓颯沓來芻靈幽冥百怪如親睹
四座聞之頸爲縮坐令陰風透體寒擁衾不敢歸雙目
髯翁說鬼極鬼奇鐵子詩更分妍媸竊疑二子是二鬼
十日不許來吾帷君不見阮瞻作論少人測疑心皆自
生暗棘世間爲蛾莫如人人若爲厲禳祓得安得東南
尺郭人兼鑄南山鍾魑神吞盡鬼人不作孽彼鬼彼鬼
何足瞋

將歸劍南留別京中諸子二首

十畝田園歸去來圖書萬卷手親開

謫官後買書萬卷

並無天

厄誰當怨豈有人擠自不才宦志已經盡銷鑠

君恩

苦未報涓埃他時曝背柴門下長望南山獻壽杯

羅江隱園

對岸南山

學道難成視玉津連年病苦藥君臣本無遠志書方寄
但道當歸車已巾夢裏漏聲猶五夜手中衣線惜三春
只愁貧到無錐立一醉須防換告身

五月二十九日蒙恩復官恭紀仍用前韻

恩綸一日共傳來萬口喧呼喜色開自分戴盆天失望

誰知撒燭 帝憐才重銜紙尾慙新署再着新冠拂舊
埃兒輩亦知叨異數團圞共話涕盈杯

聖恩浩蕩本無津何意偏加蟻蝨臣長笑相如緣狗監
漫誇太白拭龍巾檇材自合爲時棄枯木寧知遇日春
從此自期如李泌別無他物獻孤身

題李懷德醉翁圖

六月六日方晒書酒香撲鼻來座隅白鷺平生滴不飲
胡爲漣流如麴車細觀誰所圖落筆有神助手捧顧龜
杓童子能解漣何處老禿翁倒盡醅醪露得非陶靖節
疑是畢吏部古人飲酒留其名今人飲酒成其生龍頭

鶴髮前賢語自警聊當座右銘

時于方蒙恩復官故云

特

落花生歌

爲柳幾何及其任惠風作

我聞黃梅四祖偈無人下種華無生獨此花生卽爲種
花落結實如坻京其生滋蔓若藤菜細葉牽露朝含英
金絲飛墮輕無語沙中甲拆春雷鳴以花爲媒非爲母
媒卽其母實其嬰此種粵蜀賤非貴北人包裹遺公卿
今春柳子來過訪屠蘇正熱相歡迎坐間花菓細辨證
一一多識吾所兄就中獨此詔未賂特與覲縷詮物情
懷歸戲載果下馬要試友輩猜相眩昨者長鬚段翠纖
開緘騷句兼屈平本草圖經補未備異邦小阮重留名

目中有某人何在相思但願身翻輕可憐困鈍真老矣
何時再與鷗相盟

題松陰調鶴圖爲徐鐵菴作

何年仙人遺五粒根蟠琥珀化爲石一宵風雨長髯龍
撐起清森半天碧黑捲太陰雲霾開有鳥飛自丹山來
盤旋欲下不肯下天高野闊相徘徊幽人岸幘青霄立
昂昂忽訝雞羣入怪來好夢揚州回露華曉墜胎禽濕
應知好爵方和鳴聞天遠應九臯聲雲龍似見張公鶴
緱嶺如聞子晉笙綸巾拄杖髮垂素飄飄如欲凌雲度
坐令披圖見瀛洲何須更覓三株樹從來壽以德爲徵

一家祥氣融椿庭願得從遊松畔立執筆還書相鶴經

趙象九亦吾廬種花數株頗有幽致即席聯句唐堯

春樂子 蔡呂橋曾源 李用村調元 趙象九

結構才容膝競非園亦種花籬疎編鹿眼雨砌密長龍

牙櫛火暗燒樹松濤午聽茶雨肥槐耳嫩競風定柳

腰斜金剪先治菊柳銀刀欲破瓜草深迷蛺蝶呂橋苦淺

見蝦蟆燕子朝窺幕春競蜂王晚鬧衙垂垂簾影細雨漠

漠篆烟遮過轍誰相訪呂橋開門一笑譁青鞋聊復著春競

白酒不須賒舊帖評淳化雨清言慕永嘉琴聲流水遠

橋詩思暮山遐淨几消碁局春高亭倚畫叉同心聯斗

室村異地

感天涯逸興行空馬橋韶光赴壑蛇是時方

五月

村

有客盡三巴涼氣全離暑橋鄉音苦憶家乍逢

疑有約橋

不樂更無加皓渺愁冰鏡橋爛斑散綺霞披

襟軒共敞

橋

刻燭鼓頻拋世事雲衣變橋浮生雪鬢華

鑿空嗤博望

村

問字鄙侯芭但使常收鉢村何須更飯

麻明朝乘暇否一爲我停車

九象

寄題徐副使浩修見一亭二首

并序

副使來徵云僕官雖清華志在林泉去京百里

之地有白鶴嶺頗有邱壑之勝新建一亭名曰

見一亭取林下何曾見一人之意也乞題詩攜

歸以後園林之觀不忍辜其意爲題二首

急流勇退古難尋
果見飄然返故林
自古詩人無假語
如今若箇是真心
世傳永叔歸田錄
客奪昌黎諫墓金
聞道羊腸無限險
見幾誰是早投簪

得歸三徑就荒無
點檢松杉十倍蠶
尙有頭巾堪漉酒
絕無手簡問催租
鹿迷雪嶮逢樵叟
魚擲烟波訪釣徒
莫學宏翁太顛劇
家家團扇畫成圖

寄柳幾何

秋從昨夜來
舉頭見飛雁
如何春水波
人去長不見
去年籬下菊
今復掇其英
如何白衣人
不復門前迎
想君

令人老思君令人瘦人老尚可支人瘦不可救故鄉在
西蜀時於夢中望及夢翻在東常若來君旁風搖梧桐
影雨動芭蕉葉謂是君忽來不見君步履只此白頭紙
曾爲君所遺還以書贈君寄我長相思

祝大宗伯曹地山

秀先

先生七十二首

紅崖原自骨飄飄更典春官領秩高
天子賜書擢鳳藻同官捧硯說蟠桃
人求絹素嗤吾鞅吏醉醪醪笑爾
曹如此清風如此福古稀况復少霜毛

畫錦堂開奏雅歌禁清休沐樂如何
芝蘭近日宮中久桃李連年榜下多
福壽綿綿長似海文章浩浩氣如

河南宮率屬私相慶占盡人間瑞錦窠

題畫

山似魚鱗起水似鼉眼碧非山非水間復有村樹隔寺
遠惟見樓江平偶逢石何人拄杖來坐看浮雲白

八月二十日奉

恩命督學廣東恭紀再疊前韻

聖恩重疊日邊來豁達披雲宿霧開已愧寸絲難補袞
何堪如綍更掄才指心誓日酬無地閉口多時筆有埃
盛世菁莪原自盛敢將桃李賀私杯

海南文物麗雲津培養由來重學臣昔忝持衡羞稱服

甲午曾典
試粵東

今重秉鑑淚沾巾九天

楓陛方承露五嶺

梅花已放春犀貝龍珠非所志我生原是赤窮身

良鄉別墨莊

又作南天萬里行郵亭促坐達三更季昆言淺情偏重
聖主恩深別易輕此後瞻烏定誰止從前料虎太相驚
莫云四海無知己萬卷書中覓友生

趙北口

燕南趙北水雲鄉一帶虹堤走綠楊漁艇掃來叢荻外
酒帘飄出畫橋旁年來宦思非常澹此日詩情分外狂
借問弋人何所慕鴻飛萬里碧天長

過東平飲洪阮溪

夢

同年署中小洞庭山房話別

分韻得篠字

雨萍有鳴蛙風枝無定鳥平生同門友沙散固不少洪
子今世豪氣與孤雲矯新膺鄆州牧治劇民不擾去年
扈鑾輿偶語立塵表今年君奏最排闥不用伯相思
言有萬及見一笑了憐我無故人酒食使我飽堂前種
菊花雖霜色未槁花旁洞庭石瓊瓏間叢篠把臂忘形
骸歡呼失昏曉嗟我奉王命學薄慙負抱世事千褒
斜欲說頭屢掉愚拙幸天憐豈免憂心擣聖恩江海
深所恨微軀小粵東比鄧林何以培俊造鮑子非君誰
善言我當寶

汝上縣館壁間見桂山題句遂和其韻桂山今日已

回蜀

窻外芭蕉報雨晴好詩人眼倍鮮明旗亭畫壁人何處
知在笙歌隊裏行

我行汝上雨模糊樹裏斜陽半有無亦有歸心歸未得
主恩深處忘江湖

宿臨城驛先寄徐州司馬唐芝田四十韻

昔在甲午秋嶺南奉簡書適君防銅沛道由彭城趨戟
門方在望已見來長鬚速我以駟馬烹我以鱖魚彷彿
來親串斗酒出婦儲歡呼忘賓主兒女遶座隅惹粥使

果腹蘭湯使澡軀邀我遊雲龍同駕北門興花木知我
來相逐爭扶疎黃樓聞我至錯認眉山蘇山水互鱗鱗
軒豁新雨初夕陽不肯下燈至勇猶餘暨冬返轍輟留
連倍相於一自歸京師魂夢時在徐人事真浮雲變幻
蒼狗如譬如兩頭角頃刻分龍豬君舉二千石朝觀來
京都時我初解官局戶方閒居祇多門羅雀未見屋愛
烏而君來益勤剝啄時諗予予曰子往哉予誓賦歸歟
家有十畝田未缺糲與蔬况有兩三子猶堪課經畚欲
言聲已哽不語淚如珠淒涼拜廊廟浩蕩懷江湖豈知
春風動枯草色復腴 聖恩高且厚不許歸茆廬此事

古未有感激輕微軀又復持粵節益愧知遇殊拜命
不遑處卽日出宿鄆九月望之三萬里鳴長騶旣以公
自矢旋以私自娛與君再相見寧非隔世乎磨牛踏陳
迹老馬識舊途極知旦夕見翻恨道里紆坐令臨城烽
竟夜成躊躇作詩寄與君爲我懸榻需知已良覲難有
懷當面據

宿州郵舍懷芝田

不意重逢始見緣此行轉覺益淒然途當窮處疑無地
事到平時信有天萬里難爲知己別一生長是主恩
憐贈言不足君誰肯前路猶須穩着鞭

宿固鎮館中有竹數竿花石相間雁來紅一株尤

鮮艷爲題四絕兼寄安徽督學劉雲房權之

暫借茅茨屋數椽無端秋色圖春妍深紅一朵雁來後
錯認江南二月天

小小園亭未就蕪數竿修竹鳥喧呼晚來添箇枝梢月
一幅文同淡墨圖

圖書兒女伴同行日日郵傳走踐更出黃書履度汪出
自行出卒滿而塵埃渾不洗呼童浣石看崢嶸

春到明年爛熳催桃花千樹遣誰裁題詩忽憶連州句

前度劉郎今又來景房爲余同年前輩江左今後
願學其地與余前後奉命鹿傳道

必經此故憶及之若
見膏爲一捧腹也

定遠縣寄陝甘督學祝芷塘同年時主試閩中未

同

八閩收盡海南珠又向長安執節趨踪跡與君元白似

商山桐葉有詩無

劍閣騎驢憶往時詞人偏與地相宜秦碑漢碣歸君袖

添得華山一卷詩

贈廬州廣文毛果齋

名應藻由內閣中書登進士爲九江令改廬州教授

十二年前紫禁仙一朝拋去學烹鮮老方得第人皆惜

仕每居卑子亦賢此錯真成九州鐵再來不值一文錢

章山詩集卷十九

是間肥水思名義未應長貧老鄭虔

建昌道中三首

秣馬待晨發中宵趁啟關雨收仍滴樹霧重不分山過
客題詩好溪鷗傲我閒團團牛跡裏聊借豁吾顏

黑雲風捲去露出一天青岫遠尚呈寺江平已失汀古

田書井字醜樹作人形賣餅何曾有虛煩馬一停

一自潯陽渡天寒漸薄身日光催野馬霜色醉楓人風

過江猶怒雲晴物自新今朝詣物理時過見松筠

再題德化烏石觀音閣

烏石村鎮真吾邦白沙翠竹明清江江上飛閣截雲漢

下俯百尺之徒枉我昔過此與僧語留贈以詩題其窗
今來僧已成新塔刻石與高聳而雙前所題詩今日為
僧刻石在高相國
之古支公弟子真風雅迎我稽首非曉前引禪
房最幽處使我細聽飛泉淙朱欄碧玉照清淺一漱水
雪清胸脰筆落垂雲大如斗有亭新置稀來楚凡此皆
踐前所詒一一排置余小降年來世味百不好但求禪
榻眠陰幃君能容我同龜宿木魚考考此逢逢

自題雙松圖

舟中無事自寫雙松徐中甫進士見之為題詩
有菜根別自有真香句因作長句答之

雨村先生真腐儒春食黃韭冬食蔬南行舟中一日無
思之不置描成圖嫩葉尚帶露華潤土膏半飽微雨酥
何人履畦掇芳碧想見抱甕人勤劬宿酒未消初睡起
一盤何啻烹醢酬北方苦寒百不進獨稱安肅尤敷腴
羹蒿甜滑非所嗜波稜鐵甲難爲茹十年久住不爲肉
牛爲此菜拋蓴鱸今者落筆豈無意蓴蘿面目吾知吾
中甫山人獨解味菜根語好能起予族云暮矣路長紆
松雖軟脆霜難枯州屬守此無他數請君咀嚼助礪粗
新淦舟中汪明府來謁得蔣心餘太史十餘書蔣
與余相左於南昌遣人以樂府追寄藏閣其詩稍

也

卧聽郵籤報水程開窓已見挂銅鉦半篙綠水舟初動
一片青山樹上行空谷香中人去遠藏園稿裏句堪驚
友生聚散真無定又見澹臺在武城

玉峽門

在峽江縣南五里卽古巴邱上有周瑜廟

誰劈砮崖兩片石雷碾一斧蒼玉裂至今千里顛江湖
捲起回瀾噴銀雪我聞巨靈陰持權故削峭壁橫青天
黥黥蛟螭蟠窟吼巍巍虎豹當關眠昔時雄鎮今爲縣
山色水光仍未變偶來指點問巴邱灑灑瞿塘又驚見
周郎遺廟委蓬蒿千載荒城宰堵高英雄已矣殘碑在

日暮空江起怒濤

夜讀練中丞忠貞公文集

今日程司訓示我中丞集夜讀未終篇不覺淚鳴咽
緬公少英邁秉性矢忠直對策如諫書殿廷皆動色遂令
嗜殺主歛衽心爲戢維時燕師起司憲柏臺職誅諸賣
國奸不惜折檻力大厦旣難支臣死有餘責願從文皇
帝豈懼瓜蔓磔成王今安在血書以當墨當時互詰問
誰分誰叛賊吁嗟河山變浩氣終不息至今展遺編尚
足驅妖蜮字字照燈青鬼神皆起立陰風峽中動淒雨
蓬頭急掩卷不成眠微聞老蛟泣

戲贈杜甫

中甫山人有詩癖出語罪罪如玉屑黃河已倒海已吞
尚自瀾翻流不竭我自年來喜鉗口技癢有時還自輟
譬鳥傷翼非傷鳴鳴恐驚人不如訥多言天惡非人擠
敢復向婦問吾舌自得君詩眼一明遂忘破戒兼忘拙
昨夜峽江已受降搜索枯腸竟難萬今更短兵相接戰
白手何曾持寸鐵平生我亦輕餘子蟬蚬撼樹妄稱說
誰令擁被空呻吟景驕莫隨付一瞥雨中人家雲中山
筆不能描心自悅君家西江我家綿自應點染君獨絕
君不見飯顛山頭逢杜甫空令李白笑咥咥

童山詩集卷二十

綿州李調元雨村

丁酉下

連日無風舟阻吉陽今晨得風快然有作

五里灘下行十里灘上宿延沿終日間不出灘一曲欲
知舟上灘譬若魚緣木又如鷁退飛數舟數恰六似逆
却似順疑進復疑縮翻疑文江山不忍捨我目何來廣
莫風徑入我帆腹初見波鱗鱗漸覺峯逐逐奔騰赴槽
馬獵較避箭鹿蝸口噴雪花響似奏琴筑鴨頭翻雲濤
快若轉車軸雙候爭迎送忽失纔一瞬篙子支頤坐土

留飽半菽余亦暫停車欣同稚女粥時來送好風無用
神祈福人苦不相待空費豚蹄祝

黑潭

在吉水縣南十里

看遍西江水牛與天同色文江更澄清其色乃過黑下
有黑蛟蟠上有鳬鷺拍潭邊數株樹楓樟梓松栢有似
善畫人青黃點綠赤樹上龍鳳山山上牛羊石了不問
其名其狀可度臆雲來山披絮雨過山啟翠山不求人
知靜中觀自得試問山中人可識舟中客

螺山

在贛陵縣北十里

舟子頗解事知我癖吟哦開窓爲我指此山名曰螺云

昔有漁父得螺手摩挲懷之不忍捨五彩覆青蓑夜半
忽不見風雨疑龍校至今隨手拾往往得之泥我來一
眺望但見正練拖有如白銀盤捧出雲一窩又如美人
髻頻低舉案蛾藏頭初脫歷張口長噓呵坐令青青松
脂漆流成河平生無所嗜但愛扇煤多供我日著書萬
卷高岷峨何爲汝不惠喜此烏紋靴此意我知矣雄琢
傷天和敬謝山靈肯人豈爲墨磨

自廬陵至泰和得風

輕舟真似泛波鳬百里西昌到未脯風引江帆之字折
雨昏村樹米家圖山纔入眼蓬偏隔水最清心茗可呼

董山言集卷二十一
試問今宵泊何所谿林佳處酒宜酌

謁黃文節公祠

聞道西江社當年鼻祖黃詩原老杜出名與大蘇長快
閣軒窗古荒祠橘柚香何如后山輩飢鼠齧空囊

黃公灘

并序

宋王阮云贛石三百里中有大小黃公灘與萬
安對甚險惡坡公謾聽以爲惶恐遂以對喜歎
慶元二年十四夜宿灘下夢絳衣素冠人辨論
嗷嗷記其言似謂不願人畏余應曰灘指石耳
水何與焉其人有喜色意其爲黃公也詩曰水

泝安流舟不難人心自謂石頭頑黃公誤聽作
惶恐玉局先生蓋謂灘攷趙清獻詩集有移舟
夜泊黃公灘之句是灘名黃公由來舊矣坦齋
通紀亦云坡公改易地名以就句法查初白註
蘇詩亦有文信國惶恐灘頭說惶恐蓋因坡公
而傳訛之語余於乾隆三十九年甲午秋與試
粵東回京過此有和坡公惶恐之作今視學粵
東於十一月初五日溯舟而上復過之因閱盧
介軒新志始悉其本末惶恐之名實由坡公所
易也按先生出入侍從讜論宏議必以忠孝爲

本挺挺大節羣臣無出其右但爲小人忌惡擠
排不使安於朝廷之上其南遷也殆有憂讒畏
譏不得已而託諸詠歌者惶恐之作亦非謂灘
也因追用王阮韻以正之

人自羊腸步步難黃公盡是愁愚頑無端瘴癘七千里
誰道東坡只謂灘

萬安無數好青山

有序

舟泊萬安徐步江澗古廟見有題句云吉州南
上水環彎十八灘頭是萬安來客莫言萬安惡
萬安無數好青山問其居人云前令高岳進士

胡萬年所作也喜其瀟灑有意用爲起句六首

萬安無數好青山好在蛾眉翠黛間恍似峰峰會羣玉
貌姑仙子立塵寰

萬安無數好青山好在鈴聲梵唄間莫是天白石橋畔
古松流水自潺湲

萬安無數好青山好在章江字水間有箇人家深竹裏
石樓四面白雲環

萬安無數好青山好在滕蘿密箐間最是月明殘雪夜
猿啼一聽欲頭斑

萬安無數好青山好在溟濛細雨間剛是鳥鳴深箐黑

樵夫腰斧上孱顏

萬安無數好青山好在灘聲白晝間却是漁人舟一葉
浪花穩睡自心閒

儲潭

灘過二十四險盡得心閑登岸先尋寺逢人卽問山檀
榔皮自煮橘柚樹容攀更問唐時碣青苔帶雨斑

贛州總戎吳梯岑
東坡韻
明府衛松崖招登八境臺再用

重上南康八境樓灘平回望迥無憂畫圖已逐烟雲

只合黃金鑄孔侯

八境在贛

臺詩九東坡元豐元年戊午
城時題虔州太守孔宗翰南

入境圖而作並未得登斯臺詩中小序此詳後人以爲東坡詩而重遂失孔君建臺始末祇據小序中數語以爲題于壁一乃相沿之誤也

橋因三載去仍還浪吼雷霆白晝寒今日乃知并受福
魚龍解護使航安

雙流束處雪成堆龜尾潭前宿霧開挂起東牕天線
蓬蓬疑泛斗槎來

蒲褥風旣便是禪何須倭佛御冷然服上供佛邇來解
識南華偈近水樓臺得月先

吹簫擊鼓宴平明遙想風流醉勝醒可令青山歎隅向
更無人間鬱孤亭鬱孤亭在入境西向有一亭以類此

船停城下日方中
人語樓頭雨欲蒙
緩帶輕裘羊太傅
種松植柏寇巴東

虎頭如蟻上輿臺
五丈華軒次第開
要識連年豐稔效
四山闢盡舊汙來

瓊根碧瓦露鱗差
閩粵星分眼底知
更向青天搔首問
澄江何處謝公詩

三江口夜泊

同中甫乘之分韻得三字

瘴樹連梅嶺風帆
指顧南今於官
驛錯半爲客程
貪野闊低雲合
村遙薄霧含
冰寒天欲凍
山雜地呈嵐
大吠烟中渡
魚跳雨後潭
蓼花紅覆艇
蕙竹綠依庵
有龍多

栽蔗無圃不種柑
桅燈星點點市
釀露湛湛刻燭傳更
二連舟得友三談
高隣鳴亂句險
睡龍探報國懷張說
傳家本李贄莫憐
渾不寐更與妙元參

筒車

誰學樊遲稼
巧奪公輸矩
東海水欲乾
南山竹先斧
理木璇璣運
義近栢棧取
中流一順成
高岸兩輪舉
團團如則磨
鴉鴉似鳴櫓
漸近比魚貫
列行排雁序
深勺地中泉
疑灑天上雨
欲揚先就抑
既吞輒復吐
盈科走溝瀆
分槽通園圃
何自晝夜停
難以千萬數
噴薄口疑噴
灌注力分枯
碌碌空輾轉
枯槁慚仍俯
能令早魃妬
偏

助田夫苦我家本石崖竊祿慕銅虎十年拋秧馬八口
盜倉鼠慈闈猶吸菽健婦尚收稌聚首定何時觸目感
修阻何當親磳礪尚可供臼杵他年得歸耕當爲補農

小溪望月

却憶辭京日回頭已二其天懸千嶂月風動一潭星夜
靜龍鱗出沙明蚌蛤腥鯽魚書不達惆悵憶原偏

南安早發

尹利平名併此程山頭曉月最關情也同行李一肩上
忽見門梅雙眼明雲裏白猿衝道過雨中翠鳥隔溪鳴

此來贏得韓蘇美兩柄
又旌百粵行

過大庾嶺十一月

和中甫韻

嶺高無復雁飛南但見蒼檜栢叅天
使巖關全抱粵人疲石級半投庵
舊題坑有六丁取新刻多於二酉探
誰向雲頭歌伐木斧聲驚起鹿趨趨

再過梅關

底江吳地盡過

又試問梅天雪曾經大吠麼

山川仍似舊雲

風度唐朝相如君有幾人關

有張曲江祠

呻吟行

呻吟復呻吟乃在涪陽之江臯沙泐雲錦淺露吞河澗
如掌船如刀忽聞呻吟聲囂囂疑是遠村嫠夜哭淒淒
松壑來風濤又疑庚癸叩餓孺乞憐搖尾相嘲嘈又疑
饑鷲喚哀鴻噉鞭血負屈冤額號八月寒蠶三更雁孤
臣孽子悲離騷一時嘔啼蜨集充兩耳使人沁心動魄
斗覺頭霜毛細聽非近亦非遠聲乃出自所坐舸黃帽
敝衣不掩胛伏舷長叫身橫篙不知鳩舌謔謔作何語
但見頹肩赤脚連雕尻我聞築者邪許春者相祇以助
力寫作勞何爲無疾無痛楚不爲後笑爲先咷愧無樂
巴嘆安得一簞膠投之上流之高高千人萬人沾瓊膏

使汝編鮑州自操音亦銷金帳裏京羊羔嗟嗟呻吟
汝曹

力過觀音殿以風阻不得上易小舫力挽乃登徐
中甫不至作詩餉之

石壁如青界中挂小蓬乘宮闕眩江色晃朗金銀闕我
昔曾過一片席飛瑤臺題詩凍雪中手洗太古苔如何
風打頭逆浪今喧壓萬人牽不前欲判輒引回豈爲無
黃緣青鳥相嫌猜一笑謂編郎吾何嫌乎哉漸而上日
升此理易所該窮究朱明洞徑到無須媒騰閃螭蚪駕
紛綸爭擁來道火星在戶懸鍾乳垂崖烟霞供吐納落

日猶徘徊憐我老孺子好奇有同懷底事臨崖返咫尺
不我陪譬如看人飲紙對空尊聖昌黎登太華此興豈
俟催遲疑生憾悔積懦成衰顏君無謂我勇尚可鞭龍
雷

再出峽山飛來寺贈禪樂長老用東坡韻

昔年曾度大庾嶺二州峽中得幽境刺天碧有萬嶺屹
仰視蒼蒼如坐井恍疑誤入佛仙國手探蒼龍佩含影
凌雲欲步無飛梯禪老迂我江之汨千巖萬壑量筋力
尻輪坤馬無馬羈仙山無緣留不得歸來兩鬢嗟成絲
謁朝羊角搏風起吹動曹溪半篙水車德不到今三年

峰色依然翠如洗故人喜見鬚眉舒相邀直上山頭廬
濺濺鳴泉響笙篴颯颯澗風香木魚袖出新詩爲洛誦
彷彿環珮聞步虛人間蓬瀛妄語耳訪道崆峒能有幾
採芝服藥何其愚不如荒園時携鋤倦來高卧松間石
草屨蓬頭讀道書